

**SYARAT-SYARAT PERMOHONAN HADIAH LATIHAN PERSEKUTUAN  
SECARA SEPARUH MASA/SAMBILAN (HLPS) BAGI PEGAWAI  
PERKHIDMATAN PENDIDIKAN, KEMENTERIAN PENDIDIKAN MALAYSIA  
TAHUN 2018**

Tawaran ini adalah terbuka kepada Pegawai Perkhidmatan Pendidikan (PPP) yang berkhidmat dalam skim perkhidmatan pendidikan yang mana ketua perkhidmatannya ialah Ketua Pengarah Pelajaran Malaysia (KPPM) dan dilantik oleh Suruhanjaya Perkhidmatan Pelajaran Malaysia (SPP).

**1. SYARAT UMUM**

- i) Pegawai hendaklah mempunyai iltizam, pengetahuan, kemahiran, pengalaman, dan perwatakan/sikap yang sesuai bagi menentukan kejayaan dalam pengajian dan seterusnya berupaya memberi sumbangan ke arah meningkatkan keberkesanan perkhidmatan dan organisasi. Pegawai juga hendaklah **mempunyai kelayakan Ijazah Pertama** yang diiktiraf atau kelayakan yang setaraf dengannya, berpengalaman selari dengan bidang yang dimohon serta perancangan laluan kerjaya pada masa hadapan; dan
  
- ii) Ditawarkan kepada pegawai yang **belum** atau **sedang** mengikuti pengajian di mana-mana Universiti Awam. Bagi pegawai yang **sedang** mengikuti pengajian, pengajian hendaklah **tidak melebihi semester 1 bagi peringkat Sarjana atau semester 3 bagi peringkat Kedoktoran** semasa permohonan dibuat.

**2. SYARAT KHUSUS**

- i) Warganegara Malaysia;
- ii) Pegawai berumur **tidak melebihi 46 tahun** bagi pengajian peringkat **Kedoktoran** dan tidak melebihi **50 tahun** bagi permohonan peringkat Sarjana pada **1 Januari 2018**;

- iii) Pegawai hendaklah telah berkhidmat sekurang-kurangnya selama 3 tahun (lantikan selewat-lewatnya Januari 2015) pada tarikh tutup permohonan;
- iv) Telah disahkan dalam skim perkhidmatan pada tarikh tutup permohonan;
- v) Mencapai markah purata **Laporan Nilai Prestasi Tahunan (LNPT) atau Penilaian Bersepadu Pegawai Perkhidmatan Pendidikan (PBPPP)** 85% ke atas bagi **tempoh genap 3 tahun dalam skim perkhidmatan terkini** berturut-turut (2014, 2015 dan 2016). Penilaian setahun LNPT mestilah **genap 12 bulan**. Sekiranya tuan/puan pernah diluluskan Cuti Belajar dalam tempoh tersebut, sila kemukakan LNPT tahun sebelum/selepas tempoh Cuti Belajar;

Contoh:-

Tempoh Cuti Belajar Yang Pernah Diluluskan: 20.09.2012 hingga 31.08.2014 (LNPT adalah 2016, 2015 dan 2011)

- vi) Memenuhi syarat kelayakan akademik seperti berikut:

<b>Peringkat Pengajian</b>	<b>Kelulusan Purata Nilai Gred Kumulatif (PNGK) atau setaraf</b>	<b>Tempoh Minimum Pengalaman Bekerja sehingga Januari 2018</b>
Sarjana	2.00 – 2.49	10 Tahun
	2.50 – 2.99	5 Tahun
	3.00 dan ke atas	3 Tahun
Kedoktoran	Lulus Peringkat Sarjana	3 Tahun

- i) **Disokong dan diperaku oleh Ketua Jabatan;**
- ii) **Belum** memiliki kelayakan Ijazah Lanjutan di peringkat yang sama atau lebih tinggi tanpa mengira bidang pengkhususan (Jika calon didapati sedang atau telah mempunyai kelayakan Ijazah Lanjutan,

- KPM berhak membatalkan atau menarik balik tawaran/kelulusan tanpa sebarang notis);
- iii) Bersih daripada pertuduhan/tindakan tatatertib dan bebas daripada dakwaan mahkamah;
  - iv) Telah mengisytiharkan harta melalui sistem HRMIS;
  - v) Tidak tersenarai dalam senarai hitam KPM, Jabatan Perkhidmatan Awam Malaysia (JPA) atau badan-badan peminjam kerajaan yang lain;
  - vi) Calon-calon adalah diwajibkan memilih bidang pengajian/kursus yang ditawarkan sahaja;
  - vii) Satu Kertas Cadangan Penyelidikan (**dalam Bahasa Melayu atau Bahasa Inggeris**) dan slaid pembentangan **perlu disediakan dan dikemukakan kepada BT serta dibawa semasa sesi temuduga (sekiranya terpilih)**;
  - viii) Tempat pengajian adalah di **Universiti Awam (UA) Dalam Negara sahaja**;
  - ix) Bagi pengajian peringkat Sarjana, Mod Pengajian yang dibenarkan adalah **Kerja Kursus dengan Disertasi/Tesis (Mod campuran) dan Mod Penyelidikan Sepenuhnya** sahaja. Bagi peringkat Kedoktoran, Mod Pengajian yang dibenarkan adalah **Mod Penyelidikan Sepenuhnya** sahaja. Bagi yang telah memulakan pengajian, sila bawa bersama surat tawaran universiti;
  - x) Tempoh Cuti Belajar bagi peringkat **Kedoktoran** adalah selama **6** hingga **10 semester** dan peringkat **Sarjana** adalah antara **2** hingga **6 semester** tertakluk kepada mod pengajian dan tempoh pengajian yang ditetapkan oleh universiti;
  - xi) **Kemasukan ke universiti adalah untuk pengajian semester 1 sesi 2018/2019 ATAU yang mana-mana sesi kemasukan yang ditetapkan oleh Kementerian;**
  - xii) Pegawai adalah bebas daripada sebarang penyakit kronik seperti di **Lampiran E**;

- xiii) Pegawai yang **sedang dalam penajaan/Cuti Belajar** Kementerian atau mana-mana penaja lain adalah tidak layak memohon;
- xiv) Mematuhi syarat genap tempoh tamat mengikuti kursus jangka panjang/pendek yang terdahulu (dengan kemudahan penajaan/Cuti Belajar) seperti berikut:

<b>Tempoh Kursus</b>	<b>Tempoh Layak Memohon</b>
Lebih daripada 12 bulan	Selepas genap 2 Tahun
Lebih daripada 3 bulan dan kurang daripada 12 bulan	Selepas genap 1 Tahun
Kurang daripada 3 bulan	Tiada

- xv) Kementerian berhak membuat pindaan terhadap syarat-syarat permohonan, program yang ditawarkan, senarai bidang kursus dan tempat pengajian yang dibenarkan; dan
- xvi) Calon hanya boleh mengemukakan **SATU** permohonan sahaja dalam tempoh permohonan ini dibuka.